



UNIVERSITÄTS-
BIBLIOTHEK
PADERBORN

Micrologvs|| De Ecclesiasticis|| Observationibvs.||

Bernoldus <Constantiensis>

Antverpiæ, 1565

4. De numero orationum

[urn:nbn:de:hbz:466:1-63426](https://nbn-resolving.org/urn:nbn:de:hbz:466:1-63426)

Desideratur ille
Amalarij prolo-
gus.

I V X T A Romanum ordinem non nisi vnā orationem ante lectionem dicere deberemus, vt Amalarius in prologo libri sui De officijs se ab ipsis Romanis didicisse fatetur. Hoc vtique & institutio officiorū exigere videtur, vt, sicut ad vnā missam, vnā tantum lectionē & Evangelium legimus, item vnum introitum, imò vnum officium cantamus: nihilominus & vnā orationē dicamus. Sed hoc iam pauci obseruant; imò plures in tantū orationes multiplicant, vt auditores suos sibi ingratos efficiant, & populum dei potius auertant, quàm ad sacrificandum illiciant. Hoc autem sapientioribus multū displicet, qui etsi aliquādo antiquam traditionem, alijs morigerando, excedunt; in ipsa tamen sua excessione modum tenere & aliquam rationem attendere solent. Vnde & in missa, & si non semper, vna tantum oratione sint cōtenti, septenarium tamen numerum in orationibus rarò excedunt: quem vtique numerum, nec dominica oratio excedit, quæ cum solis septem petitionibus omnia corpori,

Septenariū numerū raro orationes excedūt.

& animæ necessaria comprehendit. Hoc autem summo opere solēt obseruare, vt in Missa aut vnā, aut tres, aut quinque, aut septem orationes dicant. Vnā, propter Romanam traditionē: Tres, quia dominus ante passionem suam ter orasse legitur: Quinque, propter quinque partitam eius passionem, in cuius commemoratione eadē celebramus officia: Septem, quia & Apostoli septem petitiones dominicæ orationis ad consecrationem eorundem ministeriorum frequentasse leguntur. In natiuitate tamen Domini ad Missam in mane Romani orationem de sancta Anastasia adiiciūt: quia stationem in ecclesia eiusdem martyris ad eandem Missam agunt. Et nos quoque illos in illa adiectione imitamur, licet non eandem adiectionis occasionē habere videamur. Rarissimè quidem diligentiores officiorum obseruatores, alios in orationibus numeros admittunt, nisi & quos nos suprā cōpetenti mysterio insignitos notauimus.

25 De Authenticis orationibus,

CAP. V

ALIAS quoque orationes, nisi anti-
B 3 quas

vt adprobate
sint orationes.